



LAWAT...Hishammuddin (dua dari kanan) turun padang melawat peniaga di sekitar Chow Kit, semalam.

>>Oleh Iskandar Shah Mohamed

iskandar@hmetro.com.my

KUALA LUMPUR: Kementerian Dalam Negeri (KDN) semalam mengisytiharkan perang habis-habisan menentang ceti haram atau along yang semakin menganas sehingga sanggup mencederakan peminjam termasuk menggugut ahli keluarga yang tidak berdosa untuk menuntut hutang.

Menterinya, Datuk Seri Hishammuddin Hussein, berkata pihaknya memberi amaran keras dan akan mengenakan tindakan lebih tegas terhadap golongan yang bertindak rakus dan tidak berperikemanusiaan itu.

"Perbuatan along tidak dapat diterima sama sekali dan perlu dihentikan segera kerana mereka dianggap semakin ketangkasan dengan mengenakan kadar faedah atau 'bunga' amat tinggi kepada peminjam."

"Seperti contoh, mangsa hanya meminjam RM5,000 namun jumlah yang perlu dibayar meningkat sehingga RM35,000 sekali gus membebankan peminjam."

"Berikutan itu, mereka mula bertindak ganas dengan menyeksa peminjam termasuk mengganggu ke-

Isytihar perang along

Hishammuddin beri amaran keras

hidupan keluarga mangsa semata-mata kerana hanya mahu menuntut hutang," katanya pada sidang media selepas melakukan lawatan selama lebih sejam di sekitar Pasar Chow Kit dan Lorong Haji Taib, di sini, semalam.

Turut hadir Datuk Bandar Kuala Lumpur, Datuk Ahmad Fuad Ismail dan Ketua Polis Kuala Lumpur, Datuk Muhammad Sabtu Osman.

Hishammuddin semalam turut berkesempatan menemui tujuh mangsa along bagi membincangkan masalah

dan pengalaman berhadapan golongan terbabit.

Beliau berkata, individu yang meminjam wang daripada along rata-ratanya menggunakannya untuk berjudi selain urusan perniagaan dan menampung perbelanjaan membeli dadah.

"Berikutan itu, kementerian saya akan cuba mengenalpasti beberapa faktor permasalahan itu antaranya jumlah mangsa dan kawasan paling banyak terbabit dengan kegiatan berkenaan," katanya.